



# SLUŽBENE NOVINE OPĆINE ZENICA

GODINA XXXVII  
Broj 10

Četvrtak,  
14.12.2011. godine  
Zenica

ISSN 1840-4588

## VIJEĆE OPĆINE

105.

Na osnovu člana 8. stav 3. i člana 13. stav 2. Zakona o principima lokalne samouprave u Federaciji Bosne i Hercegovine («Službene novine Federacije BiH», broj 49/06) i člana 22. stav 1. tačka 7. Statuta Općine Zenica («Službene novine općine Zenica», broj 4/08), Vijeće općine Zenica na 35. sjednici održanoj 01. decembra 2011. godine, donosi

### O D L U K U

## O UPRAVLJANJU OBJEKTIMA DOMOVA I DRUGIH PROSTORA U MJESNIM ZAJEDNICAMA

### I – OPĆE ODREDBE

#### Član 1.

Ovom Odlukom regulira se način upravljanja i korištenja objekata društvenih domova i drugih prostora u općinskom vlasništvu, a u kojima se nalaze sjedišta mjesnih zajednica na području općine Zenica.

#### Član 2.

Upravljanje poslovnim prostorima u kojima su sjedišta mjesnih zajednica i koji se nalaze u objektima društvenih domova, a koji nisu neophodni za redovne djelatnosti i aktivnosti organa MZ, preuzima Služba za ekonomske odnose i poduzetništvo, a na način i prema principima na kojima se temelji upravljanje poslovnim prostorima u vlasništvu Općine i odredbama ove Odluke.

Upravljanje prostorima namijenjenim za redovne djelatnosti i aktivnosti organa MZ u nadležnosti je Stručne službe Vijeća i Načelnika.

#### Član 3.

Mjesna zajednica ima pravo korištenja prostora društvenog doma ili drugog poslovnog prostora potrebnog za obavljanje redovne djelatnosti organa MZ i za

druge aktivnosti koje se organiziraju prema odlukama organa MZ, uz saglasnost Stručne službe.

### II – NAČIN UPRAVLJANJA

#### Član 4.

Dio prostora u objektima sjedišta MZ i domova Općina može dati na korištenje ili u zakupni odnos za privredne, kulturne i druge općekorisne namjene, u skladu sa zakonskim propisima i javno oglašenim kriterijima, uvažavajući i mišljenje organa MZ na čijem području se nalazi objekat doma, odnosno drugi poslovni objekat.

#### Član 5.

Organi MZ mogu davati inicijative za izdavanje dijela prostora opisanog u prethodnom članu, kao i mišljenje o namjeni za koju će se prostor davati u zakup, ali ne mogu odlučivati ni izdavati prostor, kao ni samostalno vršiti promjenu namjene prostora utvrđenu odgovarajućim općinskim aktom.

#### Član 6.

Sredstva ostvarena po osnovu zakupnine ili naknade za korištenje dijela prostora iz člana 4. Odluke uplaćuju se na depozitni račun Budžeta općine Zenica.

#### Član 7.

Devastirani prostori društvenih domova mogu se izdati u zakup pod povoljnijim uslovima potencijalnim zakupcima u svrhu privrednih i drugih korisnih aktivnosti.

### III – PRELAZNE I ZAVRŠNE ODREDBE

#### Član 8.

Primopredaja prostora između službi iz člana 2. Odluke izvršiće se zapisnički, s tim da je krajnji rok primopredaje 31.12.2011. godine.

Pregled prostora sa relevantnim podacima (adresa,

površina, karakter – prizemni, spratni, stanje – opremljenost i drugo) biće sastavni dio zapisnika o primopredaji prostora.

### Član 9.

Ugovori o zakupu prostora, kao i ugovori o davanju na korištenje sa dosadašnjim zakupcima - korisnicima ostaju na snazi.

### Član 10.

Stupanjem na snagu ove Odluke prestaje da važi Odluka o načinu korištenja objekata društvenih domova u mjesnim zajednicama na području općine Zenica («Službene novine općine Zenica», br. 7/03 i 5/07).

### Član 11.

Ova Odluka stupa na snagu danom objavljivanja u «Službenim novinama općine Zenica».

Broj: 01- 01-22126/11  
Zenica, 01.12. 2011. godine

PREDSJEDAVAJUĆI VIJEĆA OPĆINE  
**Nebojša Nikolić s.r.**

### 106.

Na osnovu člana 22. stav 1. tačka 17. Statuta Općine Zenica («Službene novine općine Zenica», broj 4/08) i člana 35. stav 4. Poslovnika Vijeća Općine («Službene novine općine Zenica», broj 2/10), Vijeće općine Zenica na 35. sjednici održanoj 1. decembra 2011. godine donosi

## R J E Š E N J E

### o imenovanju članova Komisije za izbor i imenovanja

#### I

U Komisiju za izbor i imenovanje imenuju se predstavnici političkih stranaka i koalicije koje imaju svoje članove u Vijeću Općine i nezavisni kandidat iz reda nacionalne manjine, kako slijedi:

1. Nusret Bolić, predstavnik vijećnika SDA,
2. Enes Imamović, predstavnik vijećnika Stranke za BiH,
3. Slavica Hrnkaš, predstavnica vijećnika SDP,
4. Zdenko Kolak, predstavnik vijećnika Hrvatske koalicije,

5. Šerif Patković, vijećnik A-SDA,
6. Salko Musić, nezavisni kandidat iz reda nacionalne manjine.

#### II

Ovo Rješenje stupa na snagu danom donošenja, a objaviće se u „Službenim novinama općine Zenica“.

Broj: 01-01-22130/11  
Zenica, 1.12.2011. godine

PREDSJEDAVAJUĆI VIJEĆA OPĆINE  
**Nebojša Nikolić s.r.**

### NAČELNIK OPĆINE

### 107.

Na osnovu člana 158. Odluke o komunalnom redu ( „Službene novine općine Zenica“, broj : 7 /11 – prečišćen tekst ) i člana 36. tačka 6. Statuta Općine Zenica ( „Službene novine općine Zenica“, broj : 4/08 ), Načelnik općine Zenica donosi

## N A R E D B U

### o sprovođenju preventivne sistematske deratizacije (jesenja faza) na području općine Zenica

#### I

Preventivna sistematska deratizacija ( jesenja faza )na području općine Zenica provest će se u periodu od 26.11. do 18.12. 2011. godine.

#### II

Preventivnu sistematsku deratizaciju će organizovati i sprovesti Kantonalni zavod za javno zdravstvo Zenica.

#### III

Preventivnom sistematskom deratizacijom će biti obuhvaćeni slijedeći objekti i površine :

1. Javne i zelene površine u pojasu naselja sa koncentrisanim stanovništvom ( gradska naselja);
2. Obale površinskih vodotoka u gradskim i prigradskim zonama;
3. Centralne deponije kao i nezvanična (neorganizovana) smetlišta u gradskim naseljima;
4. Vaspitno – obrazovni i kulturni objekti i njihovi prostori;

5. Kolektivni centri za smještaj i boravak izbjeglih i prognanih lica ;
6. Objekti javnih zdravstvenih ustanova ;
7. Javne ustanove administrativnog karaktera ;
8. Individualne stambene zgrade u privatnom vlasništvu u užim zonama gradskih naselja ;
9. Vjerski objekti i groblja u gradskim naseljima;
10. Kanalizacione mreže sa šahtovima i izlivnim kolektorima;
11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti;
12. Stacionirani objekti i sredstva javnog saobraćaja ;
13. Objekti za proizvodnju i promet živežnih namirnica i predmeta opće upotrebe (korisnici i vlasnici istih);
14. Objekti za pružanje usluga javne higijene i
15. Zajednički prostori stambenih zgrada (podrumi i tavana).

Troškove deratizacije pod rednim brojem 10., 11., 12., 13., 14. i 15. snose subjekti koji njima upravljaju, a za ostale navedene objekte i površine troškove deratizacije snosi Kanton i Općina.

#### IV

Subjekti koji podliježu provođenju preventivne sistematske deratizacije dužni su obezbijediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije.

#### V

Kontrolu izvođenja akcije preventivne sistematske deratizacije na području općine Zenica će provoditi općinski sanitarni inspektor Rabija Gutošić.

#### VI

Naredba stupa na snagu danom donošenja, a objaviće se u „Službenim novinama općine Zenica“ i putem sredstava informisanja.

Broj : 02 – 37-21652 / 11  
Zenica, 24.11. 2011. godine

NAČELNIK OPĆINE  
**Husejin Smajlović**

#### 108.

Na osnovu člana 33. Zakona o budžetima - proračunima u Federaciji Bosne i Hercegovine („Službene novine Federacije BiH“: broj 19/06, 76/08, 5/09, 32/09, 51/09, 9/10, 36/10, 45/10 ) i člana 17. Odluke o izvršavanju Budžeta općine Zenica za 2011. godinu, („Službene novine općine Zenica“, broj 3/11), a na prijedlog Službe za budžet i finansije i Službe za komunalne poslove i ekologiju , Načelnik općine Zenica d o n o s i

### ZAKLJUČAK

#### **o prestrukturiranju sredstava budžeta općine Zenica za 2011. godinu u Službi za komunalne poslove i ekologiju**

#### I

Odobrava se prestrukturiranje sredstava u budžetu općine Zenica za 2011. godinu („Službene novine općine Zenica“, broj:3/11) u Službi za komunalne poslove i ekologiju Razdjel 16; budžetska organizacija 01; potrošačka jedinica 0001.

#### II

Prestrukturiranje sredstava u budžetu općine Zenica za 2011. godinu u Službi za komunalne poslove i ekologiju vrši se na slijedeći način:

#### **Umanjuje se pozicija:**

- ekonomski kod .....821 300 – 110 Nabavka opreme (instrumenti za mjerenje kvaliteta zraka) za iznos ....15.000,00 KM

#### **Otvara se nova pozicija:**

- ekonomski kod ...616 200 – 110B Izdaci za inostrane kamate (transfer RD „Moščanica“ d.o.o Zenica za realizaciju projekta sanacije deponije Siđe) u iznosu.....15.000,00 KM

#### III

Za realizaciju ovog zaključka zadužuje se Služba za budžet i finansije i Služba za komunalne poslove i ekologiju .

#### IV

Ovaj Zaključak stupa na snagu danom donošenja, a objaviće se u „Službenim novinama Općine Zenica“.

Broj : 02-14-21647/11  
Zenica, 24.11.2011. godine

ekonomski kod **615300-169** *RTV Zenica (razvoj emisionog sistema)* za iznos od **500,00** KM

NAČELNIK OPĆINE  
Husejin Smajlović

ekonomski kod **613900-129** *Ugovorene i druge posebne usluge* za iznos od **1.500,00** KM

### 109.

Na osnovu člana 33. Zakona o budžetima u Federaciji Bosne i Hercegovine ("Službene novine Federacije BiH", broj: 19/06, 76/08, 5/09, 31/09, 51/09, 09/10, 36/10, 45/10), i člana 17. Odluke o izvršavanju Budžeta općine Zenica za 2011. godinu ("Službene novine općine Zenica", broj 3/11), a na prijedlog Službe za budžet i finansije i Službe za društvene djelatnosti i socijalnu zaštitu, Načelnik općine *donosi*:

### ZAKLJUČAK

**o unutrašnjoj preraspodjeli sredstava iz Budžeta općine Zenica za 2011. godinu u Razdjelu 18. Službe za društvene djelatnosti i socijalnu zaštitu**

#### I

Odobrava se unutrašnja preraspodjela sredstava u Budžetu općine Zenica za 2011. godinu ("Službene novine općine Zenica" broj 3/11) u Razdjelu 18; BO 01; PJ 0001; Službe za društvene djelatnosti i socijalnu zaštitu.

#### II

Unutrašnja preraspodjela sredstava u Budžetu općine Zenica za 2011. godinu u Razdjelu 18; BO 01; PJ 0001; Službe za društvene djelatnosti i socijalnu zaštitu, vrši se na slijedeći način:

#### Umanjuje se pozicija:

ekonomski kod **821200-171** *Nabavka građevine-Šahovski dom* za iznos od **27.000,00** KM

#### Povećavaju se pozicije:

ekonomski kod **614300-146** *Programi i projekti iz oblasti sporta* za iznos od **10.000,00** KM

ekonomski kod **614300-145** *Programi i projekti iz oblasti kulture* za iznos od **15.000,00** KM

#### III

Za realizaciju ovog Zaključka zadužuje se Služba za budžet i finansije i Služba za društvene djelatnosti i socijalnu zaštitu.

#### IV

Ovaj zaključak stupa na snagu danom donošenja, a objavit će se u «Službenim novinama općine Zenica».

Broj: 02- 14- 20966 /11  
Zenica, 11. 11. 2011.godine

NAČELNIK OPĆINE  
Husejin Smajlović

### JP ZA PROSTORNO PLANIRANJE I UREĐENJE GRADA "ZENICA" d.o.o. ZENICA

#### 110.

### **BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON OPĆINA ZENICA**

Na osnovu člana 6. Zakona o javnim preduzećima ("Službene novine Federacije" BiH br. 8/05), člana 317. Zakona o privrednim preduzećima ("Službene novine Federacije BiH" br. 23/99, 45/00, 2/02, 6/02, 29/03, 68/05, 91/07), a u vezi čl. 25. Statuta Javnog preduzeća za prostorno planiranje i uređenje grada "Zenica" d.o.o. Zenica ("Sl. novine Općine Zenica" br. 6/2008) na prijedlog Nadzornog odbora Javnog preduzeća za prostorno planiranje i uređenje grada "Zenica" d.o.o. Zenica Načelnik Općine, vršeći ovlaštenja Skupštine Javnog preduzeća, donosi:

#### O D L U K U

### O IZMJENI I DOPUNI STATUTA

#### Član 1.

Mijenja se i dopunjuje član 34. Statuta Javnog preduzeća za prostorno planiranje i uređenje grada "Zenica" d.o.o. Zenica ("Službene novine općine Ze-

nica” br. 6 /08) na način da se briše član 34. u cjelosti i nakon izmjene glasi:

“Za direktora preduzeća može biti imenovana osoba koja pored uslova predviđenih Zakonom o ministarskim, vladinim i drugim imenovanjima FBiH (“Sl. novine FBiH” br. 34/03), ispunjava i slijedeće uslove:

- Najmanje (5) godina radnog iskustva u struci i spremi (VSS, VII stepen, tehničkog smjera, diplomirani inženjer arhitekture ili diplomirani inženjer građevine“, od čega najmanje tri godine na rukovodnim mjestima”
- da ponudi program razvoja Javnog preduzeća za prostorno planiranje i uređenje grada “Zenica” d.o.o. Zenica za period od (4) godine, koji će biti predmet analize i ocjene u konkursnom postupku.”

### Član 2.

Mijenja se i dopunjuje član 47. Statuta Javnog preduzeća za prostorno planiranje i uređenje grada “Zenica” d.o.o. Zenica (“Službene novine općine Zenica” br. 6 /08) na način da se briše tekst člana 47. u cjelosti i nakon izmjene glasi:

“Izvršavanje poslova i radnih zadataka u okviru utvrđene djelatnosti Javnog preduzeća za prostorno planiranje i uređenje grada “Zenica” d.o.o. Zenica obavlja se preko organizacionih jedinica.

Pravilnikom o radu, Javnog preduzeća za prostorno planiranje i uređenje grada “Zenica” d.o.o. Zenica i Pravilnikom o unutrašnjoj organizaciji i sistematizaciji, Javnog preduzeća za prostorno planiranje i uređenje grada “Zenica” d.o.o. Zenica bliže se uređuje unutrašnja organizacija i sistematizacija radnih mjesta.

### Član 3.

Vrši se usklađivanje registracije djelatnosti Preduzeća prema Odluci o klasifikaciji djelatnosti (“Sl. glasnik BiH” br. 47/2010).

### Član 4.

Odluka stupa na snagu danom donošenja i ista će se objaviti u “Sl. novinama općine Zenica”.

Broj: 02-49-20967/11

Zenica, 04.11.2011. god.

NAČELNIK OPĆINE  
Husejin Smajlović

## JAVNO PREDUZEĆE ZA PROIZVODNJU I DISTRIBUCIJU TOPLOTE „GRIJANJE“ d.o.o. ZENICA SKUPŠTINA – NAČELNIK OPĆINE ZENICA

### 111.

Na osnovu člana 6. Zakona o javnim preduzećima Federacije Bosne i Hercegovine („Službene novine Federacije BiH“ br. 8/05, 81/08. i 22/09.), člana 317. Zakona o privrednim društvima („Službene novine Federacije BiH“ br. 23/99., 45/00., 2/02., 6/02., 29/03., 68/05., 91/07., 84/08., 88/08., 7/09. i 63/10), člana 29. i 72. Statuta Javnog preduzeća „Grijanje“ d.o.o. Zenica broj: 02-01-5293/08. od 06.03.2008. godine, Odluke o izmjeni Statuta Javnog preduzeća „Grijanje“ d.o.o. Zenica br. 02-05-1850/09 od 24.11.2009. godine potvrđenog notarskom ispravom br. OPU-IP: 460/09. od 14.12.2009. godine, te Odluke o Klasifikaciji djelatnosti Bosne i Hercegovine 2010 („Službeni glasnik BiH“ br. 47/10), Načelnik općine Zenica, vršeći ovlaštenja Skupštine Javnog preduzeća za proizvodnju i distribuciju toplote „Grijanje“ d.o.o. Zenica, dana ..... godine, donio je:

### O D L U K U

## O IZMJENI I DOPUNI STATUTA JAVNOG PREDUZEĆA „GRIJANJE“ d.o.o. ZENICA

### Član 1.

U uvodnom dijelu Statuta Javnog preduzeća „Grijanje“ d.o.o. Zenica iza riječi: „(Službene novine Federacije BiH br. 8/05“ dodaje se „, **81/08 i 22/09**“ , a riječi: „Sl. novine FBiH br. 23/99, 45/00, 2/02, 29/03, 68/05 i 91/07“ , zamjenjuju se riječima: „ **Službene novine Federacije BiH br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10**“ .

### Član 2.

U članu 2. Statuta Javnog preduzeća „Grijanje“ d.o.o. Zenica iza riječi: „broj registarskog uložka I-5775“ dodaju se riječi: „, **odnosno matični broj subjekta upisa: 43-01-0150-09 kod Općinskog suda u Zenici**“ .

### Član 3.

Član 9. mijenja se i glasi:

„ **Djelatnost Javnog preduzeća je prema Odluci o Klasifikaciji djelatnosti Bosne i Hercegovine 2010 („Službene glasnik BiH“ br. 47/10) i to:**



- 35.30 **Proizvodnja i snabdijevanje parom i klimatizacija**  
42.21 **Gradnja cjevovoda za tečnosti i plinove**  
42.99 **Gradnja ostalih građevina niskogradnje**  
43.22 **Uvođenje instalacija vodovoda, kanalizacije i plina i instalacija za grijanje i klimatizaciju**  
46.69 **Trgovina na veliko ostalim mašinama i opremom**  
46.71 **Trgovina na veliko krutim, tečnim i plinovitim gorivima i srodnim proizvodima**  
46.74 **Trgovina na veliko metalnom robom, instalacijskim materijalom, uređajima i opremom za vodovod i grijanje**  
71.11 **Arhitektonske djelatnosti**  
71.12 **Inžinjerske djelatnosti i s njima povezano tehničko savjetovanje. “**

#### Član 4.

U članu 31. alineja 1. i alineja 3. se brišu.

#### Član 5.

U članu 33. stav 3 mijenja se i glasi: „ **Nadzorni odbor, odnosno njegove članove bira, imenuje i razrješava Skupština Preduzeća.** “, a stav 7 mijenja se i glasi: „ **Nadzorni odbor može odlučivati samo ako sjednici prisustvuju najmanje 2 (dva) člana Nadzornog odbora, a odluke se donose većinom glasova prisutnih članova.** “

#### Član 6.

U članu 39. stav 2. mijenja se i glasi: „ **Uprava se bira, imenuje i razrješava Odlukom Nadzornog odbora uz saglasnost Skupštine preduzeća, nakon provedene konkursne procedure.** “

#### Član 7.

U članu 41 u tekstu iza riječi: „da ima najmanje tri godine“ dodaju se riječi: „ **radnog iskustva** “ .

#### Član 8.

U članu 45., 46. i 50. riječi: „glavni revizor“ zamjenjuju se riječima: „ **generalni revizor** „ u odgovarajućem padežu.

#### Član 9.

U Statutu Javnog preduzeća „Grijanje“ d.o.o. Zenica, riječi: „sudski registar“ zamjenjuju se riječima: „ **registar društava** „ u odgovarajućem padežu.

#### Član 10.

Ova Odluka stupa na snagu danom donošenja, a objavit će se u „Službenim novinama Federacije BiH“.

#### O B R A Z L O Ź E N J E

Na osnovu izmjena i dopuna Zakona o javnim preduzećima („Službene novine Federacije BiH“ br. 8/05, 81/08 i 22/09), Zakona o privrednim društvima („Službene novine Federacije BiH“ br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), te Odluke o Klasifikaciji djelatnosti Bosne i Hercegovine 2010 („Službeni glasnik BiH“ br. 47/10), potrebno je izvršiti usklađivanje Statuta Javnog preduzeća „Grijanje“ d.o.o. Zenica i izvršiti upis usklađene djelatnosti subjekta upisa u registru društava.

U vezi naprijed navedenog, donesena je Odluka kao u izreci.

#### SKUPŠTINA JAVNOG PREDUZEĆA „GRIJANJE“ d.o.o. ZENICA

Broj: 02-49-21441/11.  
Zenica, 12.11.2011.god.

NAČELNIK OPĆINE  
Husejin Smajlović



# SADRŽAJ

## VIJEĆE OPĆINE

105. ODLUKU O UPRAVLJANJU OBJEKTIMA DOMOVA I DRUGIH PROSTORA  
U MJESNIM ZAJEDNICAMA ..... 1
106. RJEŠENJE O IMENOVANJU ČLANOVA KOMISIJE ZA IZBOR I IMENOVANJA ..... 2

## NAČELNIK OPĆINE

107. N A R E D B U O SPROVOĐENJU PREVENTIVNE SISTEMATSKE DERATIZACIJE  
(JESENJA FAZA) NA PODRUČJU OPĆINE ZENICA ..... 2
108. ZAKLJUČAK O PRESTRUKTURIRANJU SREDSTAVA BUDŽETA OPĆINE ZENICA ZA 2011.  
GODINU U SLUŽBI ZA KOMUNALNE POSLOVE I EKOLOGIJU ..... 3
109. ZAKLJUČAK O UNUTRAŠNJOJ PRERASPODJELI SREDSTAVA IZ BUDŽETA  
OPĆINE ZENICA ZA 2011.GODINU U RAZDJELU 18. SLUŽBE ZA DRUŠTVENE  
DJELATNOSTI I SOCIJALNU ZAŠTITU ..... 4

## JP ZA PROSTORNO PLANIRANJE I UREĐENJE GRADA "ZENICA" d.o.o. ZENICA

110. ODLUKUO IZMJENI I DOPUNI STATUTA ..... 4

## JP ZA PROIZVODNJU I DISTRIBUCIJU TOPLOTE „GRIJANJE“ d.o.o. ZENICA SKUPŠTINA – NAČELNIK OPĆINE ZENICA

111. ODLUKU O IZMJENI I DOPUNI STATUTA JAVNOG PREDUZEĆA  
„GRIJANJE“ D.O.O. ZENICA ..... 5